



SLUŽBENE NOVINE GRADA ZENICA

GODINA XLVIII
Broj 5

Četvrtak, 17.03.2022. godine

ISSN 1840-4588

GRADSKO VIJEĆE

77.

Na osnovu člana 21. tačka 14) Statuta Grada Zenica („Službene novine Grada Zenica“, broj: 5/15) i člana 25. Odluke o javnim priznanjima Zenice („Službene novine općine Zenica“, broj: 10/01- prečišćen tekst), na prijedlog Ocjenjivačkog suda za javna priznanja Zenice, Gradsko vijeće Zenica, na 21. sjednici održanoj 17. marta 2022. godine, donosi

O D L U K U

O DODJELI JAVNIH PRIZNANJA ZENICE POVODOM 20. MARTA - DANA GRADA ZENICA

I

NAGRADA ZENICE dodjeljuje se:

1. Forumu građana Zenice, za 30 godina građanskog aktivizma na razvoju grada i promociji Zenice u zemlji i svijetu,

2. Fahrudin Čančaru, za doprinos u odbrani BiH od agresije kao komandant Odreda policije Manevar - SJB Zenica, za poslovne rezultate firme Zenko i ukupan društveni angažman,

3. Adnadinu Jašareviću, za umjetničko stvaralaštvo i promociju umjetnosti i baštine.

II

Novčani iznos javnog priznanja „**NAGRADA ZENICE**“ utvrđuje se u visini od **1.000,00 KM**.

III

„**PLAKETA ZENICE**“ dodjeljuje se:

1. Semiru Šeriću, za predan stvaralački rad s mladima, za osnivanje i 30 godina rada Plesnog kluba Shadows i afirmaciju Zenice na takmičenjima širom BiH i u inostranstvu,

2. Nerminu Šehoviću, za doprinos u oblasti zaštite ljudskih prava i sigurnosti.

IV

Javna priznanja iz ove odluke uručit će se na svečanoj sjednici Gradskog vijeća Zenica.

V

Ova odluka stupa na snagu danom donošenja iste i objavit će se u „Službenim novinama Grada Zenica“.

Broj: 01-45-6363/22

Zenica, 17.03.2022. godine

*PREDSJEDAVALAČICA
GRADSKOG VIJEĆA ZENICA
Mirza Husetić, s.r.*

78.

Na osnovu člana 2.12. stav 5. Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21) i člana 21. t. 18. Statuta Grada Zenica („Službene novine Grada Zenica“, broj: 5/15), Gradsko vijeće Zenica, na 21. sjednici održanoj 17.03.2022. godine, donijelo je

O D L U K U

**o objavljivanju javnog oglasa za imenovanje
tri člana Gradske izborne komisije**

Član 1.

Ovom Odlukom određuje se objavljivanje javnog oglasa, postupak i kriteriji za imenovanje tri člana Gradske izborne komisije.

Sastavni dio ove Odluke je tekst javnog oglasa za imenovanje tri člana Gradske izborne komisije.

Član 2.

Tri člana Gradske izborne komisije će imenovati Gradsko vijeće uz saglasnost Centralne izborne komisije BiH na mandatni period od 7 (sedam) godina.

Član 3.

Kandidat za člana Gradske izborne komisije, u skladu sa članom 2.2 Izbornog zakona BiH, mora ispunjavati sljedeće opće uslove:

- a) da ima pravo glasa;
- b) da ima odgovarajuću stručnu spremu.

Pored navedenih općih uvjeta, kandidat mora ispunjavati i posebne uvjete:

- a) da ima prebivalište na području grada Zenica;
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS;
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji;
- b) članstvo u biračkom odboru na izborima obuhvaćenim Izbornim zakonom BiH.

Član 4.

Za člana Gradske izborne komisije ne može biti imenovana osoba:

- a) koja se ne može kandidovati u smislu odredbi članova 1.6, 1.7 i 1.7a Izbornog zakona BiH;
- b) koja je član najvišeg izvršnopolitičkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
- c) koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;

d) koja je kandidat za izbore za bilo koji nivo vlasti;

e) kojoj je izrečena kazna za radnju koja predstavlja težu povredu izbornih zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

Član 5.

Za sprovođenje postupka po javnom oglasu određuje se Komisija za izbor i imenovanja.

Član 6.

Komisija iz člana 5. ove Odluke je obavezna:

- provesti postupak oglašavanja;
- po zatvaranju javnog oglasa izvršiti klasifikaciju kandidata na kandidate koji ispunjavaju uslove tražene javnim oglasom i na kandidate koji ne ispunjavaju uslove, te sačiniti zapisnik;
- sa kandidatima koji ispunjavaju uslove javnog oglasa obaviti intervju, prema prethodno utvrđenim kriterijima, te sačiniti zapisnik;
- izvršiti bodovanje i sačiniti ranglistu sa redoslijedom kandidata prema uspjehu (ukupnom broju bodova), postignutim na intervju i istu dostaviti Gradskom vijeću;
- o provedenom postupku podnijeti izvještaj Gradskom vijeću.

Gradsko vijeće, cijeneći položaj kandidata na listi, donosi odluku o imenovanju tri člana Gradske izborne komisije.

Član 7.

Javni oglas za imenovanje tri člana Gradske izborne komisije će se objaviti u dnevnom listu „Oslobođenje“, web stranici Grada Zenica (www.zenica.ba) i oglasnoj ploči Grada.

Javni oglas iz stava 1. ovog člana ostat će otvoren 8 (osam) dana od dana objavljivanja u dnevnom listu „Oslobođenje“.

Član 8.

Za stručnu i tehničku podršku Komisiji zadužuje se Stručna služba Gradskog vijeća.

Član 9.

Ova Odluka stupa na snagu danom donošenja, a naknadno će se objaviti u „Službenim novinama Grada Zenica“.

Broj: 01-45-6377/22

Zenica, 17.03.2022. godine

PREDSJEDAVALA
GRADSKOG VIJEĆA ZENICA
Mirza Husetić, s.r.

Na osnovu člana 2.12 Izbornog zakona Bosne i Hercegovine („Službeni glasnik BiH“, broj: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u BiH („Službeni glasnik BiH“, broj: 67/21) i člana 1. Odluke o objavljivanju javnog oglasa za imenovanje tri člana Gradske izborne komisije („Službene novine Grada Zenica“, broj: 5/22), Gradsko vijeće Zenica objavljuje

JAVNI OGLAS
za imenovanje tri člana Gradske izborne komisije

I

Objavljuje se javni oglas za imenovanje tri člana Gradske izborne komisije. Člana Gradske izborne komisije imenuje Gradsko vijeće, uz saglasnost Centralne izborne komisije Bosne i Hercegovine na period od 7 (sedam) godina, od dana davanja saglasnosti Centralne izborne komisije BiH.

Kandidat za člana Gradske izborne komisije treba ispunjavati sljedeće opće uslove:

1. da je osoba sa pravom glasa;
2. da je osoba sa odgovarajućom stručnom spremom.

II

(1) Pored uslova iz tačke I ovog oglasa, osoba koja je kandidat za člana Gradske izborne komisije mora ispunjavati sljedeće posebne uslove:

- a) da ima prebivalište na području grada Zenica;

b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i

c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- a) članstvo u Izornoj komisiji i
- b) članstvo u biračkom odboru na izborima obuhvaćenim Izbornim zakonom BiH.

III

(1) Sastav Gradske izborne komisije mora biti multietničan tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

(2) U sastavu Izborne komisije nastojeće se obezbijediti zastupljenost spolova u skladu sa Zakonom o ravnopravnosti spolova u BiH.

IV

U skladu sa članom 2.3 Izbornog zakona BiH, za člana Gradske izborne komisije ne može biti imenovana osoba:

1. koja se ne može kandidirati u smislu odredbi članova 1.6, 1.7 i 1.7a Izbornog zakona BiH;
2. koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
3. koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
4. koja je kandidat za izbore za bilo koji nivo vlasti;
5. kojoj je izrečena kazna za radnju koja predstavlja težu povredu izbornih zakona ili propisa za koju je lično odgovorna, u posljednje četiri godine, računajući od dana pravosnažnosti odluke.

V

Član Gradske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

VI

Uz potpisanu prijavu na javni oglas potrebno je dostaviti sljedeću dokumentaciju:

1. kraću biografiju;
2. ovjerenu diplomu o stečenoj stručnoj spremi kandidata;
3. dokaz o posjedovanju iskustva kandidata u provođenju izbora;
4. ovjerenu fotokopiju lične karte;
5. uvjerenje o prebivalištu izdato od nadležnog organa, ne starije od tri mjeseca;
6. svojeručno potpisanu i od nadležnog organa ovjerenu izjavu o nepostojanju smetnji iz tačke IV ovog javnog oglasa (član 2.3 Izbornog zakona BiH);
7. izjavu o nacionalnom izjašnjenju sa posljednjeg popisa stanovništva u BiH, svojeručno potpisanu i ovjerenu od nadležnog organa;
8. svojeručno potpisanu i od nadležnog organa ovjerenu izjavu o nepostojanju smetnji iz tačke V ovog javnog oglasa (član 2.12 stav (7) Izbornog zakona BiH), odnosno da osoba koja je kandidat za člana Općinske izborne komisije nije zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci i duže.

VII

Ovaj javni oglas će se objaviti u dnevnim novinama „Oslobođenje“, na web stranici Općine Zenica (www.zenica.ba) i oglasnoj ploči Grada.

Dokumenti koji se prilažu uz prijavu moraju biti originali ili ovjerene kopije.

Rok za podnošenje prijave je 8 dana od dana objave u dnevnim novinama „Oslobođenje“.

Prijavu na ovaj javni oglas dostaviti preporučeno poštom, ili na protokol Grada, u zatvorenoj koverti sa naznakom:

**„JAVNI OGLAS ZA IMENOVANJE TRI
ČLANA GRADSKE IZBORNE KOMISIJE – NE
OTVARAJ“
na sljedeću adresu:
GRAD ZENICA
KOMISIJA ZA IZBOR I IMENOVANJA
Trg BiH br 6, 72 000 Zenica**

Po zatvaranju javnog oglasa, Komisija za izbor i imenovanja izvršit će klasifikaciju kandidata na one koji ispunjavaju uvjete tražene javnim oglasom i na one koji ne ispunjavaju uvjete javnog oglasa.

Komisija će obaviti intervju, nakon čega će sačiniti rang-listu sa redoslijedom kandidata prema uspjehu postignutom na intervjuu i istu dostaviti Gradskom vijeću.

Nepotpune i neblagovremene prijave neće biti razmatrane.

*PREDSJEDAVALJUĆI
GRADSKOG VIJEĆA ZENICA
Mirza Husetić, s.r.*

79.

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije BiH“, broj: 25/03, 67/05 i 94/18), člana 38. Odluke o građevinskom zemljištu Grada Zenica („Službene novine općine Zenica“, broj: 4/07 – prečišćen tekst, 2/08, 5/08, 1/10, 2/11, 2/12, 2/13, 1/14 i „Službene novine Grada Zenica“, broj: 2/15, 2/16, 3/17, 2/18 i 1/20), člana 21. Statuta Grada Zenica („Službene novine Grada Zenica“, broj: 5/15), Gradsko vijeće Zenica, na 21. sjednici održanoj 17.03.2022. godine, donijelo je

O D L U K U

o utvrđivanju prosječne konačne građevinske cijene 1 m² korisne stambene površine na području Grada Zenica

Član 1.

Utvrđuje se prosječna konačna građevinska cijena 1 m² iz prethodne godine korisne stambene površine na području Grada Zenica u iznosu od 1.200,00 KM.

Član 2.

Stupanjem na snagu ove odluke, prestaje da važi Odluka o utvrđivanju prosječne konačne građevinske cijene 1 m² korisne stambene površine na području Grada Zenica („Službene novine Grada Zenica“, broj: 4/21).

Član 3.

Ova odluka stupa na snagu danom donošenja, a objaviće se u „Službenim novinama Grada Zenica“.

Broj: 01-45-6379/22

Zenica, 17.03.2022. godine

*PREDSJEDAVALJUĆI
GRADSKOG VIJEĆA ZENICA
Mirza Husetić, s.r.*

80.

Na osnovu člana 21. i člana 73. Statuta Grada Zenica („Službene novine Grada Zenica“, br. 5/15), člana 12. i 13. Odluke o organizaciji mjesne samoprave („Službene novine Općina Zenica“, br. 1/10) i člana 45. Poslovnika Gradskog vijeća („Službene novine Grada Zenica“, br. 4/17, 4/20 i 10/21), Gradsko vijeće Zenica, na 21. sjednici održanoj 17. marta 2022. godine, donijelo je

RJEŠENJE**o dodjeli mandata predsjednika i člana
Savjeta Mjesne zajednice „Jastrebac“****I**

Muharemović Kenanu iz Zenice, Jastrebac 67 se, zbog ostavke, utvrđuje prestanak mandata predsjednika Savjeta Mjesne zajednice „Jastrebac“, a utvrđuje mu se mandat člana Savjeta mjesne zajednice „Jastrebac“.

II

Mandat predsjednika Savjeta Mjesne zajednice „Jastrebac“ se dodjeljuje Kruško Nedžad, kao sljedećem kandidatu, koji je nakon provedenih izbora za Savjet mjesne zajednice „Jastrebac“, potvrđenih Odlukom Gradskog vijeća Zenica o potvrđivanju rezultata za članove savjeta mjesnih zajednica na području Grada Zenica („Službene novine Grada Zenica“, broj: 1/22) dobio najveći broj glasova.

III

Mandat imenovanog predsjednika i člana Savjeta Mjesne zajednice „Jastrebac“ traje do isteka mandata izabranih članova Savjeta Mjesne zajednice „Jastrebac“, a teče od dana stupanja na snagu ovog rješenja.

IV

Ovo rješenje stupa na snagu danom donošenja i objavit će se u „Službenim novinama Grada Zenica“.

Broj: 01-45-6392/22

Zenica, 17.03.2022. godine

*PREDSJEDAVALJUĆI
GRADSKOG VIJEĆA ZENICA
Mirza Husetić, s.r.*

GRADONAČELNIK**81.**

Na osnovu člana 60. i 61. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19), člana 34. Statuta Grada Zenica („Službene novine Grada Zenica“, broj: 5/15), člana 26. Odluke o izvršavanju Budžeta Grada Zenica za 2022. godinu („Službene novine Grada Zenica“, broj: 2/22), Gradonačelnik Zenice donosi

ZAKLJUČAK**o odobravanju izdvajanja sredstava iz
tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2022. godinu Ambasadi Ukrajine u BiH sa sjedištem u Sarajevu, ulica Fra Anđela Zvizdovića 1, u iznosu od 10.000,00 KM (u protuvrijednosti u eurima), u svrhu finansijske pomoći narodu Ukrajine.

II

Sredstva iz tačke I izdvajaju se iz „Tekuće budžetske rezerve“ Budžeta Grada Zenica za 2022. godinu, a u svrhu obezbjeđenja neplaniranih sredstava na organizacionom kodu 51010001 - Gradonačelnik, ekonomski kod 614700 – tekući transferi u inostranstvo, funkcija 1091.

III

Za realizaciju ovog Zaključka zadužuje se Gradonačelnik i Služba za finansije, koja će navedena sredstva uplatiti na račun Ambasade Ukrajine u BiH, otvoren kod Raiffeisen BANK dd Bosna i Hercegovina. Navedena sredstva isplatit će se u eurima, i to na sljedeći način:

BENEFICIARY BANK: Raiffeisen BANK dd Bosna i Hercegovina

SWIFT CODE: RZBABA2S

II

ADDRESS: ZMAJA OD BOSNE BB SARAJEVO BIH

Ovaj Zaključak stupa na snagu danom donošenja i objavit će se u "Službenim novinama Grada Zenica".

IBAN CODE: BA391611000004204814

Broj: 02-45-5825/22

FULL BENEFICIARY NAME: AMBASADA UKRAJINE U BIH

Zenica, 17.03.2022. godine

FULL BENEFICIARY ADDRESS: FRA ANĐELA ZVIZDOVIĆA 1 SARAJEVO

*GRADONAČELNIK
Fuad Kasumović, s.r.*

IV

Ovim Zaključkom stavlja se van snage Zaključak Gradonačelnika o odobravanju izdvajanja sredstava iz tekuće budžetske rezerve, broj: 02-11-5045/22 od 09.03.2022. godine.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-5045-1/22

Zenica, 17.03.2022. godine

*GRADONAČELNIK
Fuad Kasumović, s.r.*

82.

Na osnovu člana 63. stav (3) Zakona o zdravstvenoj zaštiti ("Službene novine Federacije BiH", broj: 46/10 i 75/13), člana 24. Odluke o zadržavanju osnivačkih prava i usklađivanju organizacije Javne ustanove "Dom zdravlja" Zenica sa zakonom ("Službene novine općine Zenica", broj: 6/12), člana 29. Statuta Javne ustanove "Dom zdravlja" Zenica broj: 5689/12 od 01.10.2012. godine, a u vezi sa članom 34. tačka 6) i članom 117. Statuta Grada Zenica ("Službene novine Grada Zenica", broj: 5/15), Gradonačelnik Grada Zenica, d o n o s i

ZAKLJUČAK**o davanju saglasnosti na Odluku o izmjenama i dopunama Statuta Javne ustanove "Dom zdravlja" Zenica**

I

Daje se saglasnost na Odluku o izmjenama i dopunama Statuta Javne ustanove "Dom zdravlja" Zenica, a shodno Odluci Upravnog odbora Javne ustanove "Dom zdravlja" Zenica, broj: OU-01-1-37656/22 od 15.03.2022. godine.

83.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 34. tačka 6) i člana 117. Statuta Grada Zenica ("Službene novine Grada Zenica", broj: 5/15), Gradonačelnik Grada Zenica, d o n o s i

RJEŠENJE**o imenovanju privremenog predsjednika Upravnog odbora Javne ustanove "Gradska biblioteka" Zenica**

I

Imenuje se Fikret Brdarević, doktor ekonomskih nauka, kao privremeni predsjednik Upravnog odbora Javne ustanove "Gradska biblioteka" Zenica.

II

Privremeni predsjednik Upravnog odbora iz tačke I ovog Rješenja imenuje se do okončanja konkursne procedure izbora kandidata, a najduže na period od tri mjeseca.

III

Ovo Rješenje stupa na snagu danom donošenja i objavit će se u „Službenim novinama Grada Zenica“.

Broj: 02-45-5518/22

Zenica, 15.03.2022. godine

*GRADONAČELNIK
Fuad Kasumović, s.r.*

84.

Na osnovu člana 26. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), člana 37. Pravila Javne ustanove „Gradska biblioteka“ Zenica, broj: 27/18, 187/18 i 247/21, a u vezi s članom 34. tačka 6) i člana 117. Statuta Grada Zenica („Službene novine Grada Zenica“, broj: 5/15), te na osnovu ličnog zahtjeva Hrnjić Adisa za razrješenjem dužnosti predsjednika Upravnog odbora Javne ustanove „Gradska biblioteka“ Zenica od 02.03.2022. godine, Gradonačelnik Grada Zenica d o n o s i

RJEŠENJE**o razrješenju predsjednika Upravnog odbora Javne ustanove „Gradska biblioteka“ Zenica****I**

ADIS HRNJIĆ, diplomirani ekonomista, imenovan za predsjednika Upravnog odbora Javne ustanove „Gradska biblioteka“ Zenica Rješenjem Gradonačelnika, broj: 02-45-10949/21 od 07.06.2021. godine, razrješava se dužnosti prije isteka mandata na lični zahtjev, iz razloga preseljenja iz Bosne i Hercegovine u drugu državu.

II

Ovo Rješenje stupa na snagu danom donošenja i objavit će se u „Službenim novinama Grada Zenica“.

Broj: 02-45-5101/22

Zenica, 10.03.2022. godine

GRADONAČELNIK

Fuad Kasumović, s.r.

85.

Na osnovu člana 10. tačka 4) Zakona o udruženjima i fondacijama („Službene novine FBiH“, broj: 45/02) i člana 34. tačka 6) Statuta Grada Zenica („Službene novine Grada Zenica“, broj: 5/15), Gradonačelnik Grada Zenice, donosi

ZAKLJUČAK**o odobravanju unošenja naziva Grada Zenica u naziv udruženja****I**

Odobrava se Udruženju Odred policije „MANEVAR“ SJB Zenica korištenje naziva „Grada Zenica“ u nazivu Udruženja.

II

Ovaj zaključak stupa na snagu danom donošenja, a objavit će se u „Službenim novinama Grada Zenica“.

Broj: 02-45-4434 /22

Zenica, 02.03.2022. godine

GRADONAČELNIK

Fuad Kasumović, s.r.

86.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), a u vezi sa članom 34. tačka 6) i člana 117. Statuta Grada Zenica („Službene novine Grada Zenica“, broj: 5/15), Gradonačelnik Grada Zenica, d o n o s i

RJEŠENJE**o imenovanju privremenog člana Upravnog odbora Javne ustanove “Dom za stara lica Zenica” Zenica****I**

Imenuje se Samir Dolovac, diplomirani pravnik, kao privremeni član Upravnog odbora Javne ustanove “Dom za stara lica Zenica” Zenica.

II

Privremeni član Upravnog odbora iz tačke I ovog Rješenja imenuje se do okončanja konkursne procedure izbora kandidata, a najduže na period od tri mjeseca.

III

Ovo Rješenje stupa na snagu danom donošenja i objavit će se u „Službenim novinama Grada Zenica“.

Broj: 02-45-4215/22

Zenica, 28.02.2022. godine.

GRADONAČELNIK

Fuad Kasumović, s.r.

87.

Na osnovu člana 26. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), člana 24. Pravila Javne ustanove „Dom za stara lica Zenica“ Zenica, broj: 01-35-293/14 i OU 01-03-35-229/21, a u vezi s članom 34. tačka 6) i člana 117. Statuta Grada Zenica („Službene novine Grada Zenica“, broj: 5/15), te na osnovu ličnog zahtjeva Mešanović Edvina za razrješenjem dužnosti člana Upravnog odbora Javne ustanove “Dom za stara lica Zenica” Zenica od 21.02.2022. godine, Gradonačelnik Grada Zenica, d o n o s i

RJEŠENJE**o razrješenju člana Upravnog odbora Javne ustanove “Dom za stara lica Zenica” Zenica****I**

EDVIN MEŠANOVIĆ, diplomirani socijalni pedagog, imenovan za člana Upravnog odbora Javne ustanove “Dom za stara lica Zenica” Zenica Rješenjem Gradonačelnika, broj: 02-45-306/22 od 07.01.2022. godine, razrješava se dužnosti prije isteka mandata na lični zahtjev, iz razloga nastupanja okolnosti privatne prirode.

II

Ovo Rješenje stupa na snagu danom donošenja i objavit će se u “Službenim novinama Grada Zenica”.

Broj: 02-45-4201/22

Zenica, 28.02.2022. godine

GRADONAČELNIK

Fuad Kasumović, s.r.

S A D R Ź A J**GRADSKO VIJEĆE**

77. ODLUKA O DODJELI JAVNIH PRIZNANJA ZENICE POVODOM 20. MARTA - DANA GRADA ZENICA	1
78. ODLUKA O OBJAVLJIVANJU JAVNOG OGLASA ZA IMENOVANJE TRI ČLANA GRADSKO IZBORNE KOMISIJE	1
JAVNI OGLAS ZA IMENOVANJE TRI ČLANA GRADSKO IZBORNE KOMISIJE	3
79. ODLUKA O UTVRĐIVANJU PROSJEČNE KONAČNE GRAĐEVINSKE CIJENE 1 M ² KORISNE STAMBENE POVRŠINE NA PODRUČJU GRADA ZENICA	4
80. RJEŠENJE O DODJELI MANDATA PREDSEDNIKA I ČLANA SAVJETA MJESNE ZAJEDNICE „JASTREBAC“	5

GRADONAČELNIK

81. ZAKLJUČAK O ODOBRAVANJU IZDVAJANJA SREDSTAVA IZ TEKUĆE BUDŽETSKE REZERVE	5
82. ZAKLJUČAK O DAVANJU SAGLASNOSTI NA ODLUKU O IZMJENAMA I DOPUNAMA STATUTA JAVNE USTANOVE “DOM ZDRAVLJA” ZENICA	6
83. RJEŠENJE O IMENOVANJU PRIVREMENOG PREDSEDNIKA UPRAVNOG ODBORA JAVNE USTANOVE “GRADSKA BIBLIOTEKA” ZENICA	6
84. RJEŠENJE O RAZRJEŠENJU PREDSEDNIKA UPRAVNOG ODBORA JAVNE USTANOVE „GRADSKA BIBLIOTEKA“ ZENICA	7
85. ZAKLJUČAK O ODOBRAVANJU UNOŠENJA NAZIVA GRADA ZENICA U NAZIV UDRUŽENJA	7
86. RJEŠENJE O IMENOVANJU PRIVREMENOG ČLANA UPRAVNOG ODBORA JAVNE USTANOVE “DOM ZA STARA LICA ZENICA” ZENICA	7
87. RJEŠENJE O RAZRJEŠENJU ČLANA UPRAVNOG ODBORA JAVNE USTANOVE “DOM ZA STARA LICA ZENICA” ZENICA	8